

গোপনীয়

গণপ্রজাতন্ত্রী বাংলাদেশ সরকার  
সমাজসেবা অধিদফতর  
জেলা সমাজসেবা কার্যালয়  
২, নিউ ইন্সটন রোড, ঢাকা-১০০০

নং-৪১.০১.২৬০০.০০০.২৮.৩৩৭.১৫

১১০২

তারিখ : ২৫/১০/১৫

বিষয় : নিবন্ধনের জন্য প্রস্তাবিত স্বেচ্ছাসেবী সমাজকল্যাণ মূলক প্রতিষ্ঠান সম্পর্কে নিরাপত্তা ছাড়পত্র প্রদান প্রসঙ্গে।

সূত্র : মহাপরিচালক, জাতীয় নিরাপত্তা গোয়েন্দা সংস্থার স্মারক নং-সা/০৫/-২০০৪ (রাজ-২)/৮৮৪ তাং-  
২০/১২/২০১১ খ্রিঃ।


উপর্যুক্ত বিষয় ও সূত্রের প্রতি মহোদয়ের দৃষ্টি আকর্ষণ করা হলো। ১৯৬১ সনের স্বেচ্ছাসেবী সমাজকল্যাণমূলক প্রতিষ্ঠানসমূহের নিবন্ধন অধ্যাদেশ মোতাবেক নিবন্ধন কর্তৃপক্ষ হিসেবে নিম্নস্বাক্ষরকারী সমাজকল্যাণমূলক প্রতিষ্ঠান সমূহের নিবন্ধন প্রদান করে থাকেন। সূত্রে বর্ণিত পত্রের মাধ্যমে জানা গেছে যে, অনেক প্রতিষ্ঠান সমাজকল্যাণের নামে নিবন্ধন নিয়ে রাষ্ট্র বিরোধী কর্মকান্ড পরিচালনা করছে। মূলতঃ নিবন্ধন কর্তৃপক্ষের পক্ষে জাতীয় নিরাপত্তা সংক্রান্ত তথ্য সংগ্রহ, উদঘাটন ও নির্ণয় করা সম্ভবপর নয়।

অত্র কার্যালয়ে “বাংলাদেশ নার্সিং লিডারশীপ নেটওয়ার্ক”, বাড়ী-৩৬ (ফ্ল্যাট-ই-১), রোড-১৮, ব্লক-জে, বনানী, ঢাকা। এই ঠিকানায় একটি সংগঠন নিবন্ধনের আবেদন দাখিল করেছে। এ সংস্থাটি নিবন্ধনের পূর্বে আপনার দফতর থেকে নিরাপত্তা ছাড়পত্র প্রয়োজন।

এমতাবস্থায়, বর্ণিত সংস্থার নিবন্ধন জাতীয় নিরাপত্তা বিঘ্নিত করবে কি না, এর সাথে সম্পৃক্ত সদস্যগণের দ্বারা রাষ্ট্র বিরোধী কোন কাজের সম্ভাবনা রয়েছে কিনা, এ বিষয়গুলো যাচাই করে নিরাপত্তা ছাড়পত্র প্রদানের ব্যবস্থা নিতে বিনীত অনুরোধ করা হলো।

গঠনতন্ত্র সংযুক্তঃ-

মহাপরিচালক  
জাতীয় নিরাপত্তা গোয়েন্দা সংস্থা  
সেগুন বাগিচা, ঢাকা।



(মো: মাজহারুল ইসলাম)

উপপরিচালক

ও

নিবন্ধীকরণ কর্তৃপক্ষ

জেলা সমাজসেবা কার্যালয়, ঢাকা।

বিতরণ : (সদয় জ্ঞাতার্থে)।

০১. সচিব, সমাজকল্যাণ মন্ত্রণালয়, বাংলাদেশ সচিবালয়, ঢাকা।
০২. মহাপরিচালক, সমাজসেবা অধিদফতর, আগারগাঁও, ঢাকা।
০৩. পরিচালক (কার্যক্রম), সমাজসেবা অধিদফতর, আগারগাঁও, ঢাকা।


জাতীয় নিরাপত্তা গোয়েন্দা অধিদপ্তর  
ডাক গ্রহণ ও প্রেরণ শাখা

প্রাপ্তি স্বীকার .....  
তারিখ : ২৬/১০/১৫

সময় .....



“বাংলাদেশ নার্সিং লিডারশীপ নেটওয়ার্ক”  
(বিএনএলএন)



গঠনতন্ত্র



## গঠনতন্ত্র

ধারা-১ঃ সংস্থার নাম : “বাংলাদেশ নার্সিং লিডারশীপ নেটওয়ার্ক” (বিএনএলএন)

ধারা ২ঃ সংস্থার ঠিকানা : বাড়ী-৩৬, (ফ্ল্যাট-ই-১), রোড-১৮, ব্লক-জে, বনানী, ঢাকা।

ধারা-৩ঃ সংস্থার কার্যএলাকা :

বর্তমানে ঢাকা জেলা ব্যাপী। পরবর্তীতে নিবন্ধীকরণ কর্তৃপক্ষের অনুমোদনক্রমে বাংলাদেশ ব্যাপী কার্যক্রম সম্প্রসারণ করা যাবে।

ধারা-৪ : সংস্থার ধরণঃ

সংস্থা সম্পূর্ণ অরাজনৈতিক, অলাভজনক, স্বেচ্ছাসেবী সমাজকল্যাণ, মানবাধিকার, নার্স নেতৃবর্গ এবং নেতৃত্ব দানে প্রতিশ্রুতিশীল পেশাজীবীদের একটি স্বেচ্ছাসেবামূলক সংগঠন “বাংলাদেশ নার্সিং লিডারশীপ নেটওয়ার্ক (বিএনএলএন)। এ নেটওয়ার্ক শিক্ষা, তথ্য বিনিময়, এ্যাডভোকেসি, মেনটরশিপ এবং পেশাগত ভাবমূর্তিকে উজ্জ্বলতর করার লক্ষ্যে একটি প্ল্যাটফর্ম হিসাবে কাজ করবে। এটি একটি উন্নয়ন গবেষণামূলক সংস্থা, এক বা একাধিক বিষয়ের বা বিভিন্ন কার্যক্রমের সমন্বয়ে সমাজকল্যাণমূলক ও মানবহিতৈষী সংস্থা।

ধারা-৫ : সংস্থার বিস্তারিত লক্ষ্য ও উদ্দেশ্য :

সংশ্লিষ্ট কর্তৃপক্ষের অনুমোদনক্রমে নিম্নোক্ত লক্ষ্য ও উদ্দেশ্য বাস্তবায়ন করবে :

লক্ষ্য ও উদ্দেশ্যঃ বিএনএলএন সে সকল নার্সদের ঐক্যবদ্ধ করে যারা তাদের নিজস্ব নেতৃত্বের জ্ঞান, দক্ষতা ও আচরণগত উন্নয়ন সাধন এবং পারস্পরিক তথ্য আদান-প্রদানের মধ্য দিয়ে তাদের পেশাদারিত্বকে টেকসই ও সমৃদ্ধ করতে চায়।

উদ্দেশ্যঃ-

- সভা ও কনফারেন্স এবং নেটওয়ার্কের বার্ষিক সভা আয়োজন করা;
- নার্সিং সংশ্লিষ্ট সুনির্দিষ্ট ইস্যু/বিষয়সমূহ চিহ্নিতকরণ, পরিবীক্ষণ, পরিকল্পনা প্রণয়ন ও বাস্তবায়ন;
- নেতৃত্ব ও ব্যবস্থাপনা বিষয়ক হালনাগাদ তথ্যের আদান-প্রদান;
- পেশাগত মানোন্নয়ন এবং স্বাস্থ্য-সেবা খাতে পরিবর্তন আনয়নে অবদান রাখা এবং এ্যাডভোকেসি করা;
- নার্সিং নেতৃত্ব এবং ব্যবস্থাপনা বিষয়ে গবেষণায় উৎসাহ প্রদান;
- নার্সিং নেতৃত্ব ও ব্যবস্থাপনা বিষয়ক একটি ওয়েব-বেইজড তথ্যকেন্দ্র পরিচালনা করা এবং বহির্বিশ্বের ইলেক্ট্রনিক তথ্যভান্ডারগুলোর সাথে সংযুক্ত করা;
- বিশেষজ্ঞ নেতৃত্বের মাধ্যমে প্রয়োজনীয় ক্ষেত্রে পরামর্শ ও সহায়তা প্রদান করা;
- ওয়েব সাইট ও সভা আয়োজনের মাধ্যমে তথ্যের আদান-প্রদান সহজতর করা; এবং

সভাপতি


বাংলাদেশ নার্সিং লিডারশীপ নেটওয়ার্ক  
(বি.এন.এল.এন)


সাধারণ সম্পাদক

বাংলাদেশ নার্সিং লিডারশীপ নেটওয়ার্ক  
(বি.এন.এল.এন)

আঞ্চলিক ও আন্তর্জাতিক পরিমণ্ডলে নেতৃত্ব প্রদানকারী সংস্থার সাথে যোগাযোগ রক্ষা করা।

- ধারা-৫.১। নার্সিং শিক্ষাকেন্দ্র স্থাপন এবং গবেষণা কার্যক্রমে সহায়তা প্রদান করা।
- ধারা-৫.২। দেশের মানুষের কল্যাণে আন্তর্জাতিক মানের নার্সিং শিক্ষা ও সেবামূলক প্রতিষ্ঠান প্রতিষ্ঠা ও পরিচালনা করতে সহায়তা প্রদান করা।
- ধারা-৫.৩। মরণব্যাদি এইচ.আই.ভি/ এইড্‌স এর ভয়াবহতা প্রতিরোধসহ নারীর ক্ষমতায়নে গণ-সচেতনতা সৃষ্টি করা।
- ধারা-৫.৪। দেশের নার্সদের সম্ভাবনা ও সমস্যা চিহ্নিত করা। সম্ভাবনা বাস্তবায়ন ও চিহ্নিত সমস্যাগুলো দূরীকরণে কর্মশালা, সেমিনার ও সফর কর্মসূচি আয়োজনের মাধ্যমে সরকারের নজরে আনতে কার্যকর ভূমিকা রাখা। নার্সদের শিক্ষা, প্রশিক্ষণ ও পুনর্বাসনের ক্ষেত্রে সহায়তা প্রদান।
- ধারা-৫.৫। প্রাকৃতিক দুর্যোগে ক্ষতিগ্রস্ত মানবিক সেবাদান, পুনর্বাসন এবং চিকিৎসা ব্যবস্থাসহ বিভিন্ন কার্যক্রম গ্রহণ করে সরকারের সাথে সহযোগিতা করা।
- ধারা-৫.৬। মেধাবী এতিম ও গরীব নার্স ছাত্র-ছাত্রীদের মাঝে বৃত্তি প্রদান এবং শিক্ষা উপকরণ সহ আর্থিক সাহায্য-সহযোগিতা করা।
- ধারা-৫.৭। দক্ষতা বৃদ্ধি, কল্যাণ সাধন ও সামাজিক মর্যাদা প্রতিষ্ঠায় প্রয়োজনীয় পদক্ষেপ গ্রহণ করা।
- ধারা-৫.৮। বেকার নার্সদের কর্ম সংস্থানের জন্য স্থানীয়ভাবে বিভিন্ন প্রশিক্ষণ ও কর্মসংস্থানের ব্যবস্থা করা।
- ধারা-৫.৯। দেশের নার্সিং পেশায় নিয়োজিত জনগোষ্ঠীকে তাদের জ্ঞান ও দক্ষতা বৃদ্ধির লক্ষ্যে জাতীয় ও আন্তর্জাতিক উন্নয়ন বিষয়ক পত্র-পত্রিকা, ম্যাগাজিন, জার্নাল ও পুস্তকের সমাহারে লাইব্রেরী ও গবেষণা কেন্দ্র প্রতিষ্ঠা করা।
- ধারা-৫.১০। নেটওয়ার্কের কার্যক্রমের সুবিধার্থে অন্যান্য প্রতিষ্ঠানের সাথে যৌথভাবে প্রশিক্ষণ কার্যক্রম পরিচালনা করা। সরকারী ও বেসরকারী সকল সংস্থার সাথে উন্নয়নমূলক কার্যক্রমে সম্পর্ক স্থাপন। গবেষণা, সভা, প্রশিক্ষণ ও কর্মশালা, উন্নয়ন বিষয়ক সেমিনার ও আন্তর্জাতিক সেমিনার ও সিম্পোজিয়াম অনুষ্ঠানের আয়োজন করা।
- ধারা-৬ঃ সদস্যপদঃ
- ধারা-৬. (ক) সদস্য পদের যোগ্যতাঃ
- প্রাপ্ত বয়স্ক ১৮ বছরের উর্দে, মানসিক ভাবে সুস্থ্য নার্সিং পেশায় নিয়োজিত ( বিশেষতঃ এল.এফ.সি.গ্রাজুয়েট ও এন.এল.পি.এন ) সৎ এবং দক্ষ বাংলাদেশী নাগরিক, যারা সংস্থার গঠনতন্ত্র মেনে চলতে সম্মত আছেন এমন ব্যক্তি এ সংস্থার সাধারণ সদস্য পদের জন্য যোগ্য বলে গণ্য হবেন।
- ধারা-৬. (খ) সদস্য ভর্তির নিয়মাবলীঃ
- ধারা-৬.খ.১) সংস্থা কর্তৃক নির্ধারিত আবেদনপত্র যথাযথভাবে পূরণ করে ৪০০/- (চারশত) টাকা ভর্তি ফি সহ সভাপতি/সাধারণ সম্পাদক বরাবরে আবেদনপত্র জমা দিতে হবে।
- ধারা-৬.খ.২) কার্যকরী পরিষদের সভায় গৃহীত প্রস্তাব অনুযায়ী সদস্যপদের আবেদন পত্র মঞ্জুর/খারিজ হবে।
- ধারা-৬.খ.৩) বার্ষিক চাঁদা ৬০০/- (ছয়শত) টাকা হিসেবে পরিশোধ করতে হবে।

  
সভাপতি  
বাংলাদেশ নার্সিং লিডারশীপ নেটওয়ার্ক  
(বি.এন.এল.এন)

  
সাধারণ সম্পাদক  
বাংলাদেশ নার্সিং লিডারশীপ নেটওয়ার্ক  
(বি.এন.এল.এন)

ধারা-৬.খ.৪) সাধারণ সম্পাদক জমাকৃত আবেদনপত্র অনুমোদনের জন্য কার্যনির্বাহী পরিষদের সভায় পেশ করবেন এবং অনুমোদন সাপেক্ষে সদস্য খাতায় লিপিবদ্ধ করবেন।

ধারা-৭ : সদস্যপদের ধরণ :  
এই সংস্থায় নিম্নরূপ ৪(চার) ধরণের সদস্য থাকবে :

ধারা-৭. ১) প্রতিষ্ঠাতা সদস্য

যাদের উদ্যোগে সংস্থা প্রতিষ্ঠিত হয়েছে তারাই প্রতিষ্ঠাতা সদস্য হিসেবে বিবেচিত হবেন। সাধারণ সদস্যদের ন্যায় তারা বার্ষিক চাঁদা পরিশোধ করবেন। তাদের ভোটাধিকার এবং নির্বাচনে প্রতিদ্বন্দ্বিতা করার ক্ষমতা থাকবে।

ধারা-৭. ২) সাধারণ সদস্য

সংস্থার সকল প্রতিষ্ঠাতা সদস্য, আজীবন সদস্য এবং ধারা-৬ মোতাবেক সকল সদস্যই সাধারণ সদস্য হিসেবে গণ্য হবেন। সাধারণ সদস্যদের ভোটাধিকার এবং সংস্থার যে কোন বিষয়ে জানার অধিকার থাকবে। তারা নির্বাচনে অংশগ্রহণ ও প্রতিদ্বন্দ্বিতা করতে পারবেন।

ধারা-৭. ৩) পৃষ্ঠপোষক সদস্য

সংস্থার কার্যক্রম পরিচালনার জন্য যিনি আর্থিকভাবে কিংবা পরামর্শ প্রদানপূর্বক অবদান রাখবেন, কার্যনির্বাহী পরিষদের অনুমোদনক্রমে তাকে সন্মানিত পৃষ্ঠপোষক সদস্য হিসেবে গ্রহণ করা যাবে। তবে তার ভোটাধিকার ও নির্বাচনে অংশগ্রহণের ক্ষমতা থাকবে না।

ধারা-৭. ৪) আজীবন সদস্য

সংস্থার আদর্শ, উদ্দেশ্য এবং গঠনতন্ত্রের প্রতি আস্থাশীল হয়ে কেউ এককালীন ৫০০০/- ( পাঁচ হাজার) টাকা কিংবা সমপরিমাণ সম্পদ দান করলে কার্যনির্বাহী পরিষদের অনুমোদনক্রমে তাকে আজীবন সদস্য হিসেবে গ্রহণ করা যাবে। তিনি ভোট প্রদান এবং নির্বাচনে প্রতিদ্বন্দ্বিতা করার অধিকার লাভ করবেন। তাকে বার্ষিক চাঁদা প্রদান করতে হবে না।

ধারা-৮ : সদস্যপদ বাতিলের নিয়মাবলী :

নিম্নবর্ণিত কারণে একজন সদস্যের সদস্যপদ বাতিল হতে পারে:-

ধারা-৮. ক) একাধারে ০২ (দুই) বছর চাঁদা পরিশোধ না করলে।

ধারা-৮. খ) পরপর তিন সভায় অনুপস্থিত থাকলে।

ধারা-৮. গ) স্বেচ্ছায় পদত্যাগ করলে।

ধারা-৮. ঘ) আদালত কর্তৃক সাজাপ্রাপ্ত হলে।

ধারা-৮. ঙ) পাগল কিংবা দেউলিয়া সাব্যস্ত হলে।

ধারা-৮. চ) গঠনতন্ত্রের পরিপন্থী কোনো কার্যকলাপে লিপ্ত হলে।

ধারা-৮. ছ) সমাজবিরোধী কোনো কাজে অংশগ্রহণ করলে।

ধারা-৮. জ) সংস্থা থেকে বেতন, ভাতা, সম্মানী বা কোনো প্রকার আর্থিক সুবিধা গ্রহণ করলে।



সভাপতি

বাংলাদেশ নার্সিং লিডারশীপ নেটওয়ার্ক  
(বি.এন.এল.এন)



সাধারণ সম্পাদক

বাংলাদেশ নার্সিং লিডারশীপ নেটওয়ার্ক  
(বি.এন.এল.এন)

